

Filemon Pɔɔl tɔne keŋ ɔ be ŋmarase yelee Filemon nɛ

¹ Tɔne kei lee maŋ Pɔɔl ŋon me silana Yesu Kristo dɔɔ te bɔɔ kyaŋ maŋ tɔ deni nɛ, na de gyoo Kristobaale Timoti gyaŋ. Dɛɛ ŋmarase ke dee yelee nyan de gyoo gyaagyi Filemon ŋon daa na neŋ ne yɛɛ tom dokolon nɛ,

² na Kristotena baŋ bɛɛ kyaa gyaŋee n dekraŋalaŋ man nɛ, na de gyoo Kristo alo Afia, na de gyoo Akipuse ŋon daa na e yɛɛ yoonɔɔtenawɔ Wurubuare nombia ŋan keyako man nɛ.

³ De kya Wurubuare na de Gbengyoo Yesu Kristo baa mo be bɛɛɛ boele ŋon na baa fa ŋon wosefɛɛreŋ.

⁴ Me dɔɔ Filemon debaŋ kamase keŋ mɛɛ tɔɔse neŋ ma kefane man na, mɛɛ fa me Wurubuare karaŋ lee n dɔɔ,

⁵ nawolo nyi me nyii mena keŋ n ne gyae Wurubuare balaŋ baŋ ɔ be baake wɔ te ɔ be desina wɔ see fa ɔ wose nɛ, na mena keŋ n be lɛɛ de Gbengyoo Yesu di nɛ.

⁶ Mɛɛ fane nyi Wurubuare waa kyɔ neŋ na n ke nyiŋ tale kolosi Kristo nombia ŋan n be lɛɛ di nɛ nideli, na ke yela n ka gyen abɔɔ kpaakpaa ŋan pou Wurubuare be fa daa lee keŋ daa na Yesu yɛɛ dokolon dɔɔ nɛ.

⁷ Me dɔɔ, n balan kegyae kenj na do man kakyen te kee yee man gyon nideli, nawolo nyi kee do Wurubuae balan ban ɔ be baake wɔ te ɔ be desina wɔ see fa ɔ wose ne kakyen nideli.

Pɔɔl doo Filemon teree fa Onesimuse

⁸ Kristo dɔɔ nafa me dana gbɛɛ nyi maa nɛɛ ne nɛ nyi nya yee kpene kenj kaboena nyi nya yee ne.

⁹ Mɔna lee kegyae dɔɔ mɔɔ na nɛɛ ne nɛ ya, mɛɛ waase ne nɛ bo. Man Pɔɔl nɔn ma se nɛɛ Yesu nawɔɔ man te nɛ nɛɛ me sɛɛ me doo deni man lee nɔn dɔɔ nɛ ne waase na ne nɛ.

¹⁰ Me bu Onesimuse nombia yaa mɛɛ sola ne nɛ. Kristo dɔɔ ɔ ta bese me bu nawolo nyi me dɔɔ te ɔ tɛwɔ lee Kristo di deban kenj bɔɔ kyan man tɔ deni nɛ.

¹¹ Gyan gba kenj na nafa ɔ be dana tɔnɔɔ daale fa ne nɛ ya, mɔna nɛ nɛɛ dɔɔ ɔ dana tɔnɔɔ fa daa na ne nɛ pou.

¹² Nɛ nɛɛ mɛɛ besena e baa nyi waa bese kɔn n gyan. ɔ yee wala nɛ nɔn ɔ nombia doo me kɔnɔɔ man nideli.

¹³ Nafa me gyaewɔ nyi waa kyaa n nawɔɔ man me gyan kebo, na waa kyɔ man deban kenj me doo deni man lee nyeedon nombia nɛn keyako dɔɔ nɛ.

¹⁴ Mɔna mɔɔ ne gyae nyi maa nɛɛ ne nɛ nyi nya kyɔ man ya, mɛɛ gyae bo nyi nya kyɔ man lee nyan gbagba n kɔnɔɔ man. Mena dɔɔ nyi n te sɛɛ ya na mɔɔ gyae maa yee kolo ya.

¹⁵ Mberem na Onesimuse wɔnɔ ɔ wose bo lee n gyan deban kyomii na ke yela waa nyin kaa bese n wui kekpaakekpa.

16 Nene dɔɔ ɔ ta tekaa ɔ yee n gbenji e kaagen ya, ɔ kela gbenji. Ɔ yee de naabu gyaagy e. Mee gyae ɔ nombia nideli te ma gyen nyi nyan ne gyae ɔ nombia nideli gba kela man. Nawolo nyi ɔ yee n gbenji e te ɔ besewɔ ɔ yee n naabu e de Gbenjyoo Yesu dɔɔ.

17 Mena dɔɔ nyi akpaa n gyen nyi me yee n dɔɔ e na, lee e do ngba mena ken nyan ke lee man do ne.

18 Nyi akpaa ɔ te yee nen nombiikum daale, yaa ɔ dana nen kolo kom na mo ke nyi man danaana nen kom ne.

19 Man Pɔɔl gbagba moona me nyinmaa mee nmarase mena nombii kei ne. Maa tɔ nen kom ken ɔ dana nen ne, mona na wolee nyi nyan gbagba koran dana man kom ya. Nawolo nyi man yele la te n nyina nyeedon wole Kristo man. Kei na wolo baa nyi n dibilin koran yee me wui.

20 Mena dɔɔ me dɔɔ kpaakpaa yee nombii kei fa man lee de Gbenjyoo Wurubuarɛ yele man. Kristo dɔɔ yee ke fa man, na n ke yela me wɛ ke fee man.

21 Mee leedi nyi me tone kei gyae ke yela n ke yee kpene ken mɔɔ yako nen ne, te ma gyen nyi nyan ke yee gba kela mena.

22 Mee nmarase nen tone kei ne, mee gyae nyi n ke desina dekyae see man nawolo nyi ma gyen nyi Wurubuarɛ waa nyii ε kefane ken pou, na waa besena man kɔn ε gyan.

23 Epafirase non lee Kristo Yesu dɔɔ te bɔɔ kyan daa na e tɔ deni ne, na do nen nɔɔ.

²⁴ Mena ke te Maake na Arisitakuse na Demase na Luka ban daa na wo ne yee tom dokolon ne mo na do neɲ noo.

²⁵ De Gbenɲyoo Yesu Kristo waa mo o beree boele e popou na waa seɲ e wole.

**WURUBURE NOMBIA KPAAKPAA
NŌŌKEBAKESEE WŌLE**
The New Testament in the Delo language of Ghana:
**WURUBURE NOMBIA KPAAKPAA NŌŌKEBAKESEE
WŌLE**

copyright © 2006 Wycliffe Bible Translators, Inc.

Language: Delo

Contributor: Wycliffe Bible Translators, Inc.

All rights reserved.

2025-05-17

PDF generated using Haiola and XeLaTeX on 22 May 2026 from source
files dated 17 May 2025
80e9f745-c10c-5e3f-94bb-9d65aa1a1b11